

նին: Դրանից հետո ձեր կնոջը տուն են բերում, լսում խորհուրդներն ու հաշվի առնում դիտողությունները:

Ըստ Մոկսում գրի առնված մի գրույցի²⁸, որը իր զուգահեռներն ունի ուրիշ ժողովուրդների բանահյուսության մեջ²⁹, մի ընտանիքում մեծահասակ պապին ճաշ են տալիս փայտե պնակից. նրա ձեռքերը դողում էին և կավե պնակներն անընդհատ ձեռքից ընկնում, կոտրվում էին: Մի անգամ նրանք փայտ է տաշում և հոր հարցին, թե ինչ է անում, պատասխանում է, թե նրա համար փայտե պնակ է շինում, որ երբ ձեռանա, այդ պնակով ճաշի: Նրիտասարգ հայրը, ազդված իր տղայի խոսքից, կարգադրում է պապիկին ճաշ տալ նախկին ձևով³⁰:

²⁸ ՀԱԻՔԱ, FF III 6303:

²⁹ Н. П. Андреев, նշվ. աշխ., № 982:

³⁰ Այս սյուսնն մշակված է Լ. Տոյսնոյի կողմից:

Ինչպես տեսնում ենք, այստեղ նա հիմնականում զեր խաղացողը բարոյական գործունե է. զարիքը վախեցնում է նրիտասարգ հորը և նա փոխում է իր վերաբերմունքը: Դա վերախմաստավորումն է այն նախնական պարզ սյուսնների, որոնց մասին խոսք եղավ սկզբում և որոնք ստացել են ժամանակակից ըմբռնումներին համապատասխան միտվածություն. եթե որդիները վատ են իրենց ծնողների նկատմամբ, ապա նրանց որդիներն էլ հետագայում նույն կերպ են վարվելու իրենց հետ:

Այսպիսով, քննարկված բանահյուսական ստեղծագործություններն իրենց ամբողջությամբ որոշ չափով արտացոլում են մարդկային հասարակության առաջընթացի տրամաբանությունը՝ հասարակության մի մասը կազմող մեծահասակների դերի ու տեղի վերաբերյալ:

Ա. ՂԱԶԻՅԱՆ

ԱՆՏԻԿ ԴԱՐԱՇՐՁԱՆԻ ԶՈՇԱՍԵՂԱՆ ԴՎԻՆԻՑ

Դվինի թանգարանում պահվում է մի ինքնատիպ հուշարձան, որ հայտնաբերվել է Դվին քաղաքի տարածքից¹: Դա որձաքարե քառանկյան մի զոհասեղան է՝ 55 սմ բարձրությամբ, միջին մասում նեղացող ($17,5 \times 17,5$), հիմքում (25×15) և վերին մասում (25×11) լայնացող ուրվապատկերով: Զոհասեղանի բավական լավ մշակված յուրաքանչյուր կողմի մակերեսի կենտրոնում քանդակված են տարբեր պատկերներ. մի կողմում ուռուցիկ մակերեսով սկավառակ է, որի կենտրոնը փոս է ընկած, հակառակ կողմում՝ պատվանդանին կանգնած թուռն, մյուսում՝ ցլի գլուխ, կիսալուսնաձև եղջյուրներով, իսկ շորրորդ կողմում՝ կարիճ, շոշափուկներով կլոր գունդ բռնած (նկ. 1—4):

Դվինի զոհասեղանը իր արտաքին ձևով, մասամբ նաև չափերով, աղերսվում է հյուսիս-մերձսևծովյան բնակավայրերից (Խարաբս, Խերսոնես) հայտնաբերված, հռոմեական ժամանակաշրջանին պատկանող, տեղական սարմատական կրաքարից քանդակված համանման հուշարձաններին, ինչպես նաև հռոմեական կայսրության ընդարձակ սահմաններում լայնորեն տարածված նմանաձև կոթողներին. այն միաժամանակ հիշեցնում է անտիկ ժամանակաշրջանի փոքրասիական և Արևելյան Իրանում

(Քյուհ-ի Քհվաղչահ) Արշակունի թագավորի կառավարչի պալատի հրո տաճարի զոհասեղանները²:

Նակայն քննվող հուշարձանի էությունը բացահայտվում է բարձրաքանդակ պատկերների շնորհիվ, որոնց քննարկումը հանգեցնում է մի որոշակի հետևություն:

Իրանական Միհր կամ Միթրա աստվածության պաշտամունքը դեռևս մ. թ. ա. I դարում ներթափանցելով Արևմուտք³, մասնավորապես հռոմեական կայսրության սահմանները. արագությամբ ձեռք է բերում անթիվ երկրպագուներ:


2 М. И. Ростовцев, Святители фраккийских богов и надписи бенефициариев в Ай-Тодоре («Известия археологического комитета», вып. 40, 1911, էջ 1—42, նկ. 5, նկ. 6); Э. И. Соломоник, Алтарь Немесиды из Херсонеса («Вестник древней истории», 1960, № 2, էջ 133—139, նկ. 1); Fr. Cumont, Die Mysterien des Mithra, Leipzig, 1911, էջ 128, ֆիգ. 6; L. A. Campbell, Mithraic iconography and ideology, Leiden, 1968; տախտ. XXI, XXXI; E. Lane, Corpus monumentorum Religiones dei Mennis, I, Leiden, 1971, ֆիգ. 121, 125, L. Vanden Berghe, Archeologie de l'Iran ancien, Leiden, 1959, էջ 16, տախտ. 15c.

³ Plutarch's, Lives, London, 1959, էջ 175:

¹ Այս նյութը ժամանակին մեզ տրամադրել էր Դվինի արշավախմբի ղեկավար պրոֆ. Կ. Գ. Ղաֆադարյանը:

Աստեղծում միթրայական մի ուրույն գաղափարախոսություն իր պատկերազրույթամբ՝ հարուստ և բազմազան մանրամասներով, խորհրդանշաններով, ամենատարբեր կրոնա-գաղափարախոսական մեկնություններով: Այդ նոր գաղափարախոսությունն ու պատկերազրույթու-

ղությունը, Արևի աստծու հետ հավատարմորեն դաշնակցած Միթրան հանդիպում է լեռնալիս արոտներում արածող, Յուպիտեր-Արամազդի կողմից ստեղծված նախասկզբնական կենդանի լակ անյուսպ ու կատաղի ցլին: Միթրան խորամանկ համարձակությամբ ամուր բռնում է



Նկ. 1, 2

Նր, հանդես գալով Հռոմեական կայսրության ընդարձակ տարածքի վրա, առաջ են բերում գրսևորման տարբեր ձևեր՝ արձաններ, բարձրաքանդակներ, դոհասեղաններ, որմնակարներ⁴ և այլն, ծիսական-խորհրդապաշտական բազմապիսի արարողություններով:

Միթրայական պատկերազրույթյան մեջ ամենաառաջնությունը և սիրվածը Միթրայի՝ ցլի հետ մենամարտն ու տեսարանն է (նկ. 5), որին հիմք է ծառայել հետևյալ դիցաբանական ավան-

ցլի եղջյուրներից, թռչում նստում մեջքին: Մեծ դժվարությամբ նրան հաջողվում է կատաղած ցլին փակել քարայրում: Սակայն վերջինս կարողանում է դուրս պրծնել այնտեղից: Այնժամ արևի աստվածը ուղարկում է լրաբեր ագռավին Միթրայի մոտ, որպեսզի օգնի իր դաշնակից ընկերոջը՝ սպանելու փախստականին: Միթրան կատարում է երկնքի հրամանը. նա իր ճարպիկ շան հետ հետապնդում է ցլին, որը փախել մտել էր քարանձավը. մեկ ակնթարթում Միթրան բռնում է ցլին, մի ձեռքով ռունգերից բռնած, մյուսով ցլի կողն է խրում որսորդա-


⁴ M. I. Vermaseren, Corpus inscriptionum et monumentorum religionis Mithriacae. The Hague, vol. I, 1956, vol. II, 1960.

⁵ Fr. Cumont, Նշվ. աշխ., էջ 120—122:

կան դաշույնը: Կատարվում է հրաշագործություն. ցլի մարսնից առաջ են գալիս բոլոր բուժիչ խոտերն ու բույսերը, ողնուղեղից ժայթքում է հասկը, որից և հացը, իսկ արյունից՝ գինին:

Այսպիսով, ցլասպան հերոսը դառնում է նոր,

նրա ճառագայթների ստվեր, հաճախ Միթրայի ծածանվող թիկնոցի, այլ դեպքերում՝ քարանձավի կամարի եզրին, երբեմն էլ՝ երկնակամարի վրա կանգնած: Բռնի (ագռավ, աքաղաղ) պատկերներ հանդիպում են նաև Պոեթովիոյի (Պաննոնիա) առաջին միթրեոմի Միթ-



Նկ. 3, 4

հարուստ և բեղմնավոր կյանքի արարիչ:

Ահա այս աստվածությունն է նվիրված Դվինի զոհասեղանը, որի քանդակապատկերներն իրենց ոճով ու բովանդակությամբ համապատասխանում են միթրայական գաղափարախոսությանն ու պատկերագրությանը: Համոզվելու համար անդրադառնանք զոհասեղանի քանդակներին:

Արև խորհրդանշող սկավառակի ճիշտ հակառակ կողմի վրա պատկերված է թռչուն՝ ամենայն հավանականությամբ ագռավ, Միթրայի հավատարիմ ուղեկիցներից մեկը, որը միթրայական պատկերագրության մեջ միշտ հանդես է գալիս արևի խորհրդանշանի հետ սերտորեն կապված (նկ. 1, 2): Որոշ հուշարձանների վրա այն արևի առջևում է, որպես

րային նվիրված զոհասեղանի քանդակներում:

Արևի խորհրդանշանը համարյա միշտ առկա է միթրայական հուշարձաններում՝ լուսապսակի կամ շրջանի մեջ դրված, երբեմն էլ այն մի պարզ սկավառակ է փորագիր ճառագայթներով, որոնք արևի ամենապարզ պատկերումներն են. կան, անշուշտ, շատ ավելի կատարելագործվածները:

6 L. A. Campbell, նշվ. աշխ., էջ 22—25, տախտ. VII₁₈₁, տախտ. XIII₄₃₅, տախտ. XV₆₅₀, տախտ. XXIX₁₄₉₆

7 Նույն տեղում, էջ 135, 139, տախտ. II₃₇, տախտ. V₇₅, տախտ. XI₃₂₁, տախտ. XII₃₉₀, տախտ. XIII₄₃₅

Հաջորդ պատկերը ցլի գլուխն է, որի ճիշտ հակառակ կողմի վրա քանդակված է կարիճ՝ շոշափուկներով ցլի ամորձիքը բռնած (նկ. 3, 4)։

Միթրան, ըստ առասպելի, այս երկնային ցլին է գողանում տաճարից կամ քարանձավից և վարում երկնային օվկիանոսում։ Պատահական չէ, որ ցլի եղջյուրները կիսալուսնաձև են. երկնային ցուլը, ըստ հին հավատալիքների, խոնավության աղբյուր էր՝ օժտված բեղմնավորման գործընթացով, որ հենց մարմնավորված էր լուսնի մեջ։ Լուսինը ցլի սերունդների և նրանց կենսունակության պահպանողն էր։ Որոշ հուշարձանների վրա կիսալուսինը պատկերված էր լուսնի մարդակերպ սիմվոլի գլխի վրա որպես եղջյուրներ (Lunar-aurus—լուսնացուլի մոտիվ)։ մի քանիսի վրա՝ լուսինը վարում է ցուլերով լծված կառքը, իսկ Ափուլումի (Գաբիա) բարձրաքանդակի վրա ցուլը պատկերված է լուսնաձև նավակի մեջ⁸։

Ցլասպան հերոսի ուղեկիցներից է կարիճը, որը հանդիպում է հատկապես Սիդոնի, Հոռմի, Լիտալիայի և Միջին Նվրոպայի բարձրաքանդակներում և որմնանկարներում։ Կարիճը մեծ մասամբ պատկերված է ցլի ամորձիքը իր շոշափուկներով բռնած (նկ. 4, 5)։ Բացառություն են կազմում Սիդոնի և Թրեյսի բարձրաքանդակները, որոնք տալիս են նույն պատկերի տարբերակները։ Ուշագրավ է, որ Հոռմի և Բոնոնիայի բարձրաքանդակներում կարիճը նույնացվում է սաղարթախիտ և մրգառատ ծառի, իսկ ցլի գլուխը՝ անպտուղ ծառի հետ⁹։

Միթրայական գաղափարախոսությունը և պատկերագրությունն ուսումնասիրող Լ. Քեմբելը համամիտ չէ Ֆ. Կյումոնի այն տեսակետին, թե միթրայական կարիճը թշնամի էակ է և թունավորում է ցլի սերմը. ընդհակառակը, կարիճի կապը մրգառատ ծառի, Միթրայի, ցլի սեռական օրգանների հետ մատնանշում է նրա բարեբար աղբյուրությունը (հասունության, պլուտդարերության)։ այս հավատալիքի արմատները, հավանաբար, գալիս են ավելի շուտ սիմական կամ անատոլիական ավանդույթներից, քան իրանականից։

Լ. Քեմբելը նշում է նաև, որ Զոդիակի կարիճ ամիսը մոտենում է իրանական օրացույցի Միթրա ամսին, որից սկսվում էր աշունը։ Հարավային Միջագետքում այն խորհրդանշում էր

անպտուղ եղանակի վերջը և աշնանային անձրևների սկիզբը¹⁰։ Ոստ Քեմբելի, ցլի և կարիճի վերահիշյալ կապը կարող է լինել ցլի կենսունակությունը մեկ այլ ձևի վերափոխման խորհրդանշան¹¹։

Այսպիսով, Դվին քաղաքից հայտնաբերված զոհասեղանը անկասկած նվիրված է Միթրային և պատկանում է հոռմեական ժամանակաշրջանին։

Միհրի պաշտամունքը նշանակալից տեղ է գրավել հայ հեթանոսական կրոնում։ Ըստ մատենագրական վկայությունների Բագահաոիճում Միհրին նվիրված է եղել հատուկ տաճար, որն ավերվում է Գրիգոր Լուսավորչի կողմից. գանձերը նվիրվում են աղքատներին, իսկ տաճարի վայրը՝ եկեղեցուն¹²։

Ֆ. Կյումոնի կազմած Միթրայի միստերիաների տարածման քարտեզի համաձայն Փոքր Ասիայում միթրայիզմի առավել մասսայականության մասին առաջին հիշատակումները հանդիպում են Լայաստանի արևմտյան սահմաններին։ Իսկ Հայաստանի տարածքում, ըստ այդ քարտեզի, նշված է Բագահաոիճը, որտեղ, Կյումոնի կարծիքով, անկասկած կարող են հայտնաբերվել միթրայական հուշարձաններ¹³։ Ինչպես հայտնի է, նորագույն հետազոտողներից շատերը հակված են կարծելու, որ Հայաստանում Տրդատ I-ի կառուցած Գառնիի հեթանոսական տաճարը ևս նվիրված է եղել Միթրա-Միհրին¹⁴։

Ուշագրավ է, որ Դվինի պեղումներից հայտնաբերված մ. թ. I դարին պատկանող ծածկի

¹⁰ Նույն տեղում, էջ 26—28։

¹¹ Նույն տեղում, էջ 15—22։ Լ. Քեմբելը, ի տարբերություն Ֆ. Կյումոնի, օձը նույնպես համարում է Միթրայի ուղեկից՝ գործակից և օգնական։ Նա գտնում է, որ միթրայական օձի գաղափարախոսությունը չի ծագում իրանական զրադաշտական կրոնից, որտեղ օձը Ահրիմանի կերպարանափոխումն է, և նշում է օձի բարեբար դերը հունական կրոնում։ Օձը, ուտելով ցլի միսը և խմելով նրա արյունը կամ սերմը, հավանաբար ապահովում էր բերքի բազմացումը (հոգիների վերաբնակեցումը)։

¹² «Ապաթանգեղայ Պատմություն Հայոց», աշխ. Գ. Տէր-Մկրտչեան ու Ստ. Կանայեանց, Տիգրիս, 1909, § 796, էջ 411—412։

¹³ Տե՛ս Բ. Կյումոն, նշվ. աշխ. քարտեզը։

¹⁴ К. В. Тревер, Очерки по истории культуры древней Армении, М.—Л., 1953, էջ 77—95։ Ա. Ա. Սահիյան, Գառնիի և Գեղարդի ճարտարապետական հուշարձանները, Երևան, 1969, էջ 18։

⁸ Նույն տեղում, էջ 136, 139, տախտ. XI²², տախտ. XVII⁶⁹³, տախտ. XX¹¹²⁹, տախտ. XXV¹²⁸³, տախտ. XXVI¹²⁹², տախտ. XXXIII¹⁷²⁷։

⁹ Նույն տեղում, էջ 25—26, տախտ. V⁷⁵, տախտ. XI³²¹, տախտ. XII³⁹⁰, տախտ. XIII⁴³⁵, տախտ. XV⁶⁵⁰, տախտ. XXXIII¹⁷²⁷։

որձաքարն սալիկը իր նյութով, ձևով և քան-
դակագործական մշակումով բազմաթիվ զուգա-
հուններ ունի Գառնիի տաճարը ծածկող սալերի
հետևի Ավելին, Դվինից հայտնաբերված ծածկի
որձաքարն սալի և զոհասեղանի որձաքարի
պետրոգրաֆիական և քիմիական անալիզները

կաշրջանին: Այսպիսով, համաձայն եղած տըվ-
յալների, կասկածից վեր է սրանց կերտման
ժամանակաշրջանի եթե ոչ նույնությունը, ապա
զոհն մերձավորությունը:

Հայտնի է, որ Հռոմ ժամանած Տրդատ I-ը
ներոնին է դիմում Միթրա տիտղոսով. մի հան-



Նկ. 5

պարզեցին, որ երկուսն էլ միևնույն բազալտու-
թյունն ունեն, երկուսի հումքն էլ վերցված է
նույն հանքավայրից, այն է՝ Գառնի զետի հով-
տով Գառնի զյուղից մինչև Զաննաթլու զյուղի
ավերակները ձգվող անդեղիտա-բազալտային
շերտից, այդ վայրում պահպանվել են միջնա-
դարյան բարձանների հետքեր¹⁵, Բացի այդ,
բնտ ստույգ աղերսների, Դվինի ծածկի սալը,
զոհասեղանը, ինչպես նաև Գառնիի հեթանոսա-
կան տաճարի ծածկի սալերն առանց երկրա-
յության պատկանում են հռոմեական ժամանա-

դամանք, որ եթե մի կողմից վկայում է Տրդա-
տի համար Միհր-Միթրայի լույսի ու մեծության
աստվածություն լինելը, ապա, մյուս կողմից
հավաստում է, որ ներոնի համար ևս Միթրան
սրբազան մեծ հեղինակություն պետք է լիներ,
որպեսզի Տրդատի արտաբերած աստվածային
սիտղոսը շույր կայսեր բմահաճ ինքնասիրու-
թյունը¹⁷:

Հատինական աշխարհում Փոքր Ասիայից
ներթափանցած Միհրական կրոնը մ. թ. I դա-
րում արդեն բավական լայն տարածում էր
գտել¹⁸, Հետևաբար, Հռոմում աստիճանաբար
մողայիկ դարձող Միթրա-Միհրի պաշտամուն-
քը, որ Փոքր Ասիայում ու Հայաստանում ար-
դեն վաղուց ի վեր ընտանի էր, պատճառ դար-
ձավ, որ ներոնից թագադրված Տրդատ I-ը,

¹⁵ Բ. Քոչարյան, Ծածկի քարն սալ
Դվինից, ՀՍՍՀ ԳԱ «Լրաբեր» (հաս. գիտ.),
1974, № 11, էջ 102—105:

¹⁶ Այս արժեքավոր ուսումնասիրությունները
կատարել են երկրաբանական զիտությունների
թեկնածուներ Ա. Ա. Զաֆարովը և Կ. Ի. Կարա-
պետյանը:

¹⁷ К. В. Тревер, նշվ. աշխ., էջ 62—63:

¹⁸ Fr. Cumont, նշվ. աշխ., էջ 31—34:

նույն ներոնից «նվեր» ստացած 50 միլիոն դի-
նարի ու Հռոմից բերած շինարար վարպետների
օգնությամբ Հայաստանում ծավալած շինարա-
րական լայն գործունեության մեջ պատշաճ տեղ
հատկացնել նաև պաշտամունքային կառույց-
ների, և առաջին հերթին իր ամենավերական
աստծու տաճարների շինարարությանը, իսկ
այդպիսին, ինչպես ցույց է տալիս Գառնիի հու-
նարեն արձանագրության մեջ Տրդատին տրվող
«Հելիոս» (արեգակնային) տիտղոսը (Ἡλίου
Τιτίδου), որ Միհր-Միթրայի աստվածային
տիտղոսն էր, կարող էր լինել միայն Միթրան,
եվ միանգամայն բնական է, որ Տրդատ I-ի
կառուցած (?) Գառնիի տաճարը նվիրված լի-
նեք Միթրային:

Բացի այդ, հավանական է, որ հռոմեացի
վարպետների օգնությամբ նույն հռոմեացիներ-
ից ավերված Արտաշատ մայրաքաղաքը վերա-
կանգնող ու Գառնի շենացնող¹⁹ Տրդատ I-ը
շինարարական վերականգնման աշխատանքներ
կատարած լինի Արտաշատի և Գառնիի միջև
ընկած հնագույն բնակավայր Դվինում, որն
ըստ որոշ հետազոտողների կարծիքի²⁰, մ. թ.
59 թ. հռոմեացիների կողմից ավերման նույն
բախտին էր արժանացել, ինչ Արտաշատը: Կա-
րելի է ենթադրել, որ Տրդատ I-ի կողմից աշ-
քաթող չի արվել արքայական երկու նստա-
վայրերը (Արտաշատն ու Գառնին) միմյանց
հանգուցող Դվինը: Հնարավոր է, որ այստեղ
ևս Տրդատը կառուցած լինի մինչև այժմ մեզ
անհայտ մի սրբավայր, որտեղ քանդակվել
և դրվել է խնդրո առարկա զոհասեղանը:
Ս. Տ. Երևմյանը գրում է. «Անուղղակի տվյալ-
ները ցույց են տալիս (Իսիդոր Խարաբսացի,
Աշխարհացույց, Ի. Մարկվարտ, Վ. Մինորսկի),
որ Տրդատ Ա-ը, հետևելով իր տոհմի նախորդ-
ների ավանդույթներին, իր գահակալությունը
սրբագործելու համար, մայրաքաղաք Արտաշա-
տի հյուսիսային արվարձաններում, հիմնում է
սրբավայր, որը պիտի կոչվեր «Դուին-Ասաակ».
չի բացառվում, որ քննվող զոհասեղանը
առնչվեր հենց այս սրբավայրի հետ²¹:

Հռոմեական համանման կոթողների ոճով
քանդակված միթրայական զոհասեղանի առկա-
յությունը Դվինում, վերահիշյալ հավանական
ենթադրությունից զատ, հիմք է տալիս նաև
նույնքան հնարավոր մեկ այլ վարկածի:

¹⁹ «Հայ ժողովրդի պատմություն», հատ. I,
Երևան, 1971, էջ 761—762:

²⁰ Ա. Ա. Քալանթարյան, Դվինի նյու-
թական մշակույթը IV—VIII դդ., Երևան, 1970,
Էջ 10:

²¹ «Հայ ժողովրդի պատմություն», հատ. I,
էջ 761:

Տրայանոս կայսեր օրոք (98—117) մ. թ.
114 թ. Հայաստանը հռչակվում է հռոմեական
նահանգ: Կայսրը հաղթական երթով հասնում է
Արտաշատ և, Դիոնի վկայությամբ, նվաճված
Հայաստանում տեղակայում պահապան զոր-
քեր²², 1967 թ. Փոքր Վեդի գյուղում հայտնա-
բերված լատիներեն արձանագրություններից
պարզվում է, որ Արտաշատում հիշյալ ժամա-
նակաշրջանում տեղակայված են եղել 4-րդ
սկյութական և իտալիկների լեգեոնները: Այդ
արձանագրություններն ուսումնասիրող Բ. Ն.
Առաքելյանի կարծիքով «նորահայտ արձա-
նագրությունը կասկած չի թողնում, որ Տրայա-
նոսը գրավել էր Հայաստանի մեծագույն մասը,
նաև նրա մայրաքաղաք Արտաշատը և Արա-
րատյան դաշտը...»²³:

Հայտնի է, որ գրավված երկրի ներսում, ան-
գամ երկրորդական ճանապարհների անվտան-
գության, ինչպես նաև ընդհանուր խաղաղու-
թյան պահպանության նպատակով, ճանապարհ-
ների հանգուցակետերում, տվյալ լեգեոնի կա-
յանի սահմանի վրա, երբեմն էլ դրանից դուրս
ստեղծվում էին զինվորական հատուկ պահա-
կակետեր (stationes), ուր և հիմնվում էին
փոքր սրբավայրեր և տաճարներ քննվող տի-
պի զոհասեղաններով (գոյություն են ունեցել
նաև շարժական զոհասեղաններ, որոնք կապ-
ված չեն եղել որևէ մի ճարտարապետական
կառույցի հետ), զինվորների կրոնա-պաշտա-
մունքային պահանջները բավարարելու հա-
մար²⁴: Այս երևույթը խիստ բնորոշ է եղել
հռոմեական կայսրության գրեթե բոլոր նա-
հանգներին: Ըստ Ֆրանց Կյումոնի, Միթրայի
պաշտամունքը հռոմեական լեգեոններում տա-
րածված էր զլխավորապես զինվորական ճամ-
բարներում: Արևելյան աստվածություններից
հռոմեական բանակում ամենասիրվածը եղել է
Միթրան: Միթրայի պաշտամունքի տարածման
զլխավոր գործոնը, նույն ուսումնասիրողի կար-
ծիքով, եղել է զորքը: Նա անգամ միթրայական
կրոնն անվանում է «զինվորների կրոն»²⁵: Եվ
այդ այն պատճառով, որ Միթրան փրկիչ էր,

²² Տե՛ս նույն տեղում, էջ 772—773:

²³ Բ. Ն. Առաքելյան, լատիներեն ար-
ձանագրություններ Արտաշատ մայրաքաղաքից
(«Պատմա-բանասիրական հանդես», 1967, № 4,
էջ 309):

²⁴ И. М. Ростовцев, *Узл. азв.*, էջ
6—9; А. И. Щеглов, Фракийские посвя-
тительные рельефы из Херсонеса Таври-
ческого («Материалы и исследования по
археологии СССР», № 150, М.—Л., 1969,
էջ 155—156):

²⁵ Fr. Cumont, *Узл. азв.*, էջ 36:

ազատարար մարտիկ, մահկանացուների ուղեկից, աջակից և օգնական, միշտ շարի դեմ պայքարող, ճշմարտության և արդարության հովանավորող և պաշտպան:

Դվինը, լինելով հոռմեացիների գրաված Արարատյան դաշտի ամենաբարձր կետը, անկասկած արժանացել է հատուկ ուշադրության: Հավանաբար հոռմեական լեգեոններից մեկի պահակակետը եղել է Դվինում իր սրբավայրով, ուր և գրվել է Միթրային նվիրված զոհասեղանը:

Թե այս երկու ենթադրություններից որն է առավել ճշմարիտն ու իրականը, տվյալ դեպքում կարևոր չէ: Կարևորն այն է, որ առաջին անգամ Հայաստանի տարածքում, այն էլ հին և միջնադարյան մայրաքաղաքների մերձակայքում հայտնաբերվել է միթրայական բնորոշ հուշարձան, հոռմեական թամանակաշրջանի նույնատիպ կոթողներին հատուկ գծերով, որ տանում է մ. թ. I—II դդ.: Եթե Հայաստանը մինչև այժմ սոսկ մատենագրական վկայություններով, ժողովրդական բանավոր ավանդու-

թյուններով, տեղանուններով ու անձնանուններով, հնամենի սովորությունների վերապրուկներով էր մտնում միհրապաշտական երկրների արեալի մեջ²⁶, ապա այժմ, Դվինից հայտնաբերված զոհասեղանի շնորհիվ այդ կարծիքն ամրապնդվում է նյութական մշակույթի անառարկելի տվյալով:

Պարզվում է, որ բացի Բագահառիճից, միթրայական սրբատեղի է գոյություն ունեցել նաև Դվինում:

Մյուս կողմից, հոռմեական ժամանակաշրջանի ոճով ու արվեստով կերտված Միթրայի զոհասեղանի առկայությունը Հայաստանի մայրաքաղաքների մերձակայքում, նոր ուղիներ է բացում հայ-հոռմեական կուլտուր-պատմական առնչությունների հետազոտման բնագավառում:

Գ. ՔՈՉԱՐՅԱՆ

²⁶ Թ. ա. դ. Ավդալբեգյան, Հայագիտական հետազոտություններ, Երևան, 1969, էջ 13—79: